



Broj: 01-50-1-15-32/08  
Sarajevo, 15. jula 2008. godine

DOM NARODA  
PARLAMENTARNE SKUPŠTINE  
BOSNE I HERCEGOVINE

**PREDMET: O b a v j e š t e n j e**

Tridesetdruga sjednica Predstavničkog doma Parlamentarne skupštine BiH održana je 9. i 14. jula 2008. godine.

Na sjednici su, uz ostalo, razmatrani materijali koji su u nadležnosti i Doma naroda, kako slijedi:

1. Prijedlog zakona o izmjenama i dopunama Zakona o udruženjima i fondacijama BiH (drugo čitanje);
2. Prijedlog zakona o dopunama Zakona o upravnim sporovima (drugo čitanje);
3. Predlog zakona o prestanku važenja Zakona o flaširanim pitkim vodama BiH (prvo čitanje);
4. Prijedlog zakona o javnim putevima (prvo čitanje);
5. Izvještaj Zajedničke komisije o usaglašavanju teksta Zakona o Fiskalnom vijeću BiH;
6. Godišnja platforma o obavještajno-sigurnosnoj politici (podnosilac: Predsjedništvo BiH);
7. Godišnji izvještaj Visokog sudskog i tužilačkog vijeća BiH za 2007. godinu;
8. Izvještaj o radu i finansijskom poslovanju Javnog preduzeća novinsko-izdavačka organizacija Službeni list BiH za 2007. godinu;
9. Imenovanje ombudsmena u Instituciju ombudsmena za ljudska prava Bosne i Hercegovine (prijedlog liste Ad hoc komisije za imenovanje tri ombudsmena u Instituciju ombudsmena za ljudska prava BiH);
10. Zahtjev Zajedničke komisije za administrativne poslove za razmatranje Prijedloga odluke o izmjenama Odluke o organizaciji Sekretarijata Parlamentarne skupštine BiH po hitnom postupku;
11. Imenovanje tri člana u Zajedničku komisiju oba doma radi usaglašavanja teksta Zakona o jedinstvenom matičnom broju;
12. Davanje saglasnosti za ratifikaciju:
  - a) Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije,
  - b) Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa,
  - c) Memoranduma o razumijevanju između Vijeća ministara BiH i Vlade Kanade – Kanadski projekat za mlade i zdravlje na Balkanu,
  - d) Memoranduma o razumijevanju između Vijeća ministara BiH i Vlade Kanade – Kanadski projekat u primarnoj zdravstvenoj zaštiti na Balkanu,
  - e) Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH.

**Ad. 1. i 2.**

Predstavnički dom je u predloženom tekstu usvojio:

- Zakon o izmjenama i dopunama Zakona o udruženjima i fondacijama BiH i
- Zakon o dopunama Zakona o upravnim sporovima.

**Ad – 3.**

U prvom čitanju usvojen je Prijedlog zakona o prestanku važenja Zakona o flaširanim pitkim vodama BiH.

**Ad – 4.**

Prijedlog zakona o javnim putevima nije u prvom čitanju dobio entitetsku većinu, pa slijedi usuglašavanje u Kolegiju kao povjerenstvu.

**Ad. 5.**

Predstavnički dom usvojio je Izvještaj Zajedničke komisije o usaglašavanju teksta Zakona o Fiskalnom vijeću BiH.

**Ad. 6.**

Usvojena je Godišnja platforma o obavještajno-sigurnosnoj politici Bosne i Hercegovine, sa Izvještajem Zajedničke sigurnosno-obavještajne komisije za nadzor nad radom OSA.

**Ad. 7.**

U okviru rasprave o Godišnjem izvještaju Visokog sudskog i tužilačkog vijeća BiH za 2007. godinu predloženo je više zaključaka.

Prilikom glasanja Godišnji izvještaj nije dobio entitetsku većinu, pa slijedi usaglašavanje u Kolegiju kao komisiji. Kako Izvještaj nije dobio entitetsku većinu, odgođeno je glasanje o predloženim zaključcima.

**Ad. 8.**

Dom se nije izjašnjavao o Izvještaju o radu i finansijskom poslovanju JP NIO Službeni list BiH zato što amandman na zaključke nadležne komisije nije dobio entitetsku većinu, pa o njemu slijedi usaglašavanje u Kolegiju kao komisiji.

**Ad. 9.**

Za ombudsmene u Instituciji ombudsmena za ljudska prava Bosne i Hercegovine, s rang-liste koju je sačinila Ad hoc komisija za imenovanje ombudsmena, izabrani su:

1. Ljubomir Sandić, iz srpskog naroda,
2. Mariofil Ljubić, iz hrvatskog naroda i
3. Emina Halilović, iz bošnjačkog naroda.

**Ad. 10.**

Na zahtjev Zajedničke komisije za administrativne poslove, Predstavnički dom je po hitnom postupku usvojio Odluku o izmjenama Odluke o organizaciji Sekretarijata Parlamentarne skupštine BiH.

**Ad. 11.**

U Zajedničku komisiju oba doma, radi usaglašavanja teksta Zakona o jedinstvenom matičnom broju, imenovani su: Vinko Zorić, Rifat Dolić i Savo Erić.

**Ad.12.**

Dom je dao saglasnost za ratifikaciju:

- a) Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije,
- b) Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa,

- f) Memoranduma o razumijevanju između Vijeća ministara BiH i Vlade Kanade – Kanadski projekat za mlade i zdravlje na Balkanu,
- g) Memoranduma o razumijevanju između Vijeća ministara BiH i Vlade Kanade – Kanadski projekat u primarnoj zdravstvenoj zaštiti na Balkanu,
- h) Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH.

Radi informiranja, obavještavamo vas o sljedećem:

- Za člana Visokog sudskog i tužilačkog vijeća BiH Dom je imenovao Zahida Kovača, dosadašnjeg člana Visokog sudskog i tužilačkog vijeća BiH;
- Za člana Delegacije Parlamentarne skupštine u IPU, umjesto Momčila Novakovića, imenovan je Savo Erić;
- Povodom rasprave na zajedničkoj sjednici oba doma o tački: Poslovanje Javnog RTV servisa BiH i mjere za prevladavanje stanja utvrđenog revizorskim izvještajima o finansijskom poslovanju Javnog RTV servisa BiH za 2005. i 2006. godinu, na prijedlog nadležne Komisije za saobraćaj i komunikacije, koja je dobila zadatak da razmotri zaključke predložene u raspravi i na osnovu njih Domu predloži prijedlog zaključaka, Predstavnički dom usvojio je sljedeće

### ZAKLJUČKE

1. Predstavnički dom Parlamentarne skupštine BiH informiran je o sadržaju dokumenta "Stanje i plan konsolidacije poslovanja BHRT-a", te zadužuje Upravni odbor BHRT-a da u trećem kvartalu 2008. godine dostavi Parlamentarnoj skupštini BiH izvještaj o efektima preduzetih mjera u vezi s revizorskim izvještajima i o programu mjera za dugoročnu finansijsku stabilizaciju BHRT-a.
2. Predstavnički dom Parlamentarne skupštine BiH zalaže se za zakonito i stabilno poslovanje BHRT-a i snažno podržava istinito, potpuno, nepristrasno, pravedno i blagovremeno informiranje javnosti o svim događajima u Bosni i Hercegovini te za ostvarivanje prava na informiranje javnosti, ravnopravno na jezicima koji su u službenoj upotrebi u Bosni i Hercegovini u skladu s međunarodnim i evropskim propisima i standardima, kao i odredbama Ustava BiH.
3. Predstavnički dom Parlamentarne skupštine BiH traži od Upravnog odbora Javnog RTV sistema BiH, kao i Upravnog odbora i rukovodstva BHRT-a da iskoriste sve zakonske mogućnosti da od entitetskih emitera naplate potraživanja BHRT-a po svim osnovama.
4. Predstavnički dom Parlamentarne skupštine BiH zahtijeva da Upravni odbor i rukovodstvo BHRT-a racionaliziraju poslovanje i iskoriste sve unutrašnje rezerve koje mogu dovesti do finansijske konsolidacije, te da se provedu sve preporuke Ureda za reviziju institucija BiH.
5. Predstavnički dom Parlamentarne skupštine BiH daje punu podršku tehničko-tehnološkoj obnovi Javnog RTV sistema BiH i poziva nadležne institucije u Bosni i Hercegovini da mu pomognu u procesu prelaska s analogne na digitalnu televiziju.
6. Predstavnički dom Parlamentarne skupštine BiH traži od Upravnog odbora Javnog RTV sistema BiH i Upravnog odbora BHRT-a da, u skladu sa ustavnim odredbom o konstitutivnosti naroda i ravnopravnosti Srba, Hrvata, Bošnjaka i ostalih u Bosni i Hercegovini, što prije predloži program mjera za uspostavljanje izbalansirane nacionalne zastupljenosti rukovodećeg, uredničkog i novinarskog kadra u cjelokupnom Javnom RTV sistemu BiH.
7. Predstavnički dom Parlamentarne skupštine BiH zahtijeva od Upravnog odbora i rukovodstva BHRT-a hitne unutrašnje i finansijske, tehnološke, kadrovske i programske reforme koje bi se provele prije uspostavljanja Korporacije javnih RTV servisa, u skladu s Planom restrukturiranja iz 2004. godine, Zakonom o Javnom RTV servisu BiH i drugim mogućnostima koje stoje na raspolaganju, a u skladu sa standardima i preporukama Evropske unije.
8. Idući ususret uspostavljanju Korporacije, zadužuju se Upravni odbor BHRT-a i Upravni odbor Javnog RTV sistema BiH da, u skladu s čl. 12. i 29. Zakona o Javnom RTV sistemu BiH, definiraju organizacionu, tehnološku i proizvodnu ulogu organizacionih jedinica u Sarajevu, Banjoj Luci i Mostaru te broj zaposlenih u svakoj od njih.

9. Zadužuju se Upravni odbor BHRT-a i Upravni odbor Javnog RTV sistema BiH da, najkasnije do kraja jula 2008.godine, preduzmu sve radnje u skladu s postojećim zakonima s ciljem osiguranja adekvatnih uslova na tržištu marketinških usluga Bosne i Hercegovine i da Upravni odbor BHRT-a o tome informira Predstavnički dom Parlamentarne skupštine BiH najkasnije do kraja augusta 2008.godine.

Entitesku većinu nije dobio jedan od zaključaka koje je predložila Komisija, a koji glasi:

„Predstavnički dom Parlamentarne skupštine BiH traži od Vijeća ministara BiH da nastavi plaćati zakup satelita i da interventno osigura sredstva za potrebe Javnog RTV sistema BiH na osnovu članstva u međunarodnim asocijacijama“.

U skladu s Poslovníkom, o ovom zaključku provest će se usaglašavanje u Kolegiju kao komisiji.

S poštovanjem,

PREDSJEDAVAJUĆI  
PREDSTAVNIČKOG DOMA  
**Niko Lozančić**